



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt & reges Francorum, Carolvm Martellvm, ...

Gretser, Jacob

[München], 1613

Jtem exemplar Epistolæ eiusdem Papæ, ad Domnum Carolvm Regem directæ, in qua continentur gratiarum actiones, pro exaltatione sanctæ Dei Ecclesiæ & de honore pallij sacerdotalis conceßi Ermenberto ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

melio- rem faciatis Grimualdum filium Aragisi, quam fau- torem vestrum B. Petrum, clauigerum regni oec- lorum, eo quod ipse Grimuald^o in Capua, praesentibus Missis vestris, laudabat se dicens: quia Dominus Rex praecipit, vt qui voluerit homo meus esse, tam ma- gnus, quam minor, sine dubio est tam meus, quam vel cuius voluerit: quae, vt nostris euenit auribus, optima- tes Graecorum, in Neapoli sedentes, insultantes frem- bant dicentes, Deo gratias, quia eorum promissa ad nihilum sunt redacta, sed eorum cachinnos nos & sub- sannationes, pro nihilo reputamus, quamuis ipsi Graeci referebant, quia Missi Apostolici iam duabus vici- bus sine effectu reuersi sunt. Ecce enim huiusmodi remittimus in seruitio B. Petri Apostoli, cum vestris fidelissimis Missis, nostros, qui vobis omnia liquidius suggerere debeant, & quaesumus vt taliter eos, pro hac causa disponere iubeatis, vt fautor vester beatus Pe- trus Apostolus, secundum vestram sacram oblatio- nem, suscipiat effectum, vt hic & in futuro vna cum Domna Regina vestraq; nobilissima prole, existat re- tributor. Incolumem Excellentiam vestram gratia superna custodiat.

*Item exemplar Epistola eiusdem Pape, ad
Domnum Carolum Regem directa, in qua continentur gra-
tiarum actiones, pro exaltatione sanctae Dei Ecclesiae
& de honore pallij sacerdotalis concessi Er-
menberto Episcopo.*

LXXXVII.

*Summ. 2.
Bar. &
Cent.*

DOMNO excellentissimo filio, nostroq; spiri- tali Compatri Carolo, Regi Francorum, & Langobardorum, atque patricio Romano- rum,

rum Adrianus Papa. Directus à regali potentia vestra, Reuerentissimus & Sanctissimus vir, scilicet Ermenbertus Episcopus, nostrisq; adpræsantatus Apostolicis aspectibus, obtulit nobis præcelsæ excellentiæ vestræ, sagacissimos atque honorabiles regales affatus, quos cum nimio amplectentes amore, regi regum, in cuius potestate sunt omnia regna mundi, gratias egimus, qui nos de vestra inclyta sospitate latos crebrò efficit, eo quod per huius mundi regna cœlestia magis ambire atque hæreditare concedit; per B. Petrum Apostolorum principem de sæuitia aduersariorum triumphantes.

Reperimus quippe in ipsis regalibus affatibus vestris, vt prælato Ermenberto Episcopo pallium sacerdotalibus infulis decoratum ex Apostolica auctoritate concederemus, quia ciuitas Metropolis in Aquitania videtur esse patria, quæ Bituricas nuncupatur, vbi nunc præfatus venerabilis vir præesse dinoscitur, curamque pastoralé deuotus exercere videtur; quatenus ignorantes, si canonice in prouinciæ partibus illis iam ordinatus tam à prædecessoribus nostris, quamq; à nobis fuisset, enucleatius eum indagari curauimus, ne vsurpationis locus aliquis sacerdotibus, in alterius iure concedatur, qui præfatus sanctissimus vir nobis confessus est, vt sub nullius Archiepiscopi iuris ditione esse videretur.

Quapropter pro nimio vestro regali ex intimo cordis amore, prædicto Ermenberto, à nostra Apostolica sacratissima sede, atque auctoritate, Archiepiscopo constituto in Metropolitanam ciuitatem, quæ Bituricas cognominatur, sicut dudum mos existit, sub iure sanctæ recordationis * Ecclesiæ degenti, vsum, pallij

* Videtur
aliquid de
esse.

pallij concessimus fruendi; & ideo quaesumus, vt per vestrum praecellsum regale adminiculum, ministerium sibi commissum, digne sibi valeat & canonicè dispensare, sacerdotali moderamine suscipiente affectum, vt dum plebs sibi concessa ab insidiatoribus inconuulsa atque intacta permanerit, simulque à vestro regali culmine tuta fuerit, ab ipso clauigero regni coelorum, B. Petro Apostolo, dignam mereamini suscipere retributionem, vt vna cum excellentissima & spiritali filia Domna Regina, vestraque praecellsa subole, redemptor omnium Deus, longo ac prospero senio amplius exaltati regni gubernaculo faciat perfrui, & vitam aeternam pariter vobis tribuat possidendam. Incolumem Excellentiam vestram gratia superna custodiat.

*Item exemplar Epistolae eiusdem Papae, ad
Domnum Carolum Regem directae, in qua continetur de
Archiso Duce Beneuentano, qui postquam Rex, Carolus à Capuana
vrbe reuertisset, praedictus Arigisus, Deo sibi contrario,
apud Imperatorem Missos suos direxerat, petens auxilium &
honorem Patriciatus, cupiens fidem, quam pollicitus fue-
rat, irritam facere, promittens se tam in Tonsu-
ra, quam in vestibus usu Graco-
rum perfrui.*

LXXVIII.

*Baron. ibid.
Summ. 1.*



OMNO excellentissimo filio nostroque spiritali compatri Carolo Regi Francorum, & Langobardorum, atque Patricio Romanorum, Adrianus Papa. Nectareos suauissimosque praecellos regales apices vestros cum nimio cordis suscepimus amore, quos reserantes reperientesq; vestra regalem sospi-